

MISSÆ PROPRIÆ

DIOECESIS AQUISGRANENSIS

A S. RITUUM CONGREGATIONE APPROBATÆ

DIE 21 NOVEMBRIS 1931


JUSSU ET AUCTORITATE

EXCELLENTISSIMI ET REVERENDISSIMI DOMINI

JOSEPHI VOGT

EPISCOPI AQUISGRANENSIS

EDITÆ



RATISBONÆ

SUMPTIBUS ET TYPIS FRIDERICI PUSTET

S. SEDIS APOSTOLICÆ ET S. RITUUM CONGREGATIONIS TYPOGRAPHI

SACRA CONGREGATIO RITUUM

Aquisgranen.

No. A 84/931

Aquisgranensis diœcesis noviter erecta Proprio officiorum et Missarum ditanda erat: qua de causa Excellentissimus Pater Dominus Josephus Vogt, Episcopus Aquisgranensis, accitis viris in liturgica scientia apprime peritis, summa diligentia textum, compositum ex officiis pro Archidiœcesi Coloniensi, cui usque adhuc diœcesis Aquisgranensis unita erat et pro ipsa civitate Aquisgranensi approbatis, nec non ex antiquissimis documentis e libris historicis et liturgicis exaratum Sacræ huic Rituum Congregationi pro approbatione et concessione devotissime subjectit. Quum vero Sacra Rituum Congregatio Proprium exhibitum a se revisum et emendatum prouti in superiori prostat exemplari probari posse censuerit, eadem Sacra Congregatio vigore facultatum sibi a Sanctissimo Domino Nostro tributarum supradictum Proprium Officiorum et Missarum benigne pro recitatione approbare dignata est, illudque ab universo Clero Aquisgranensis diœceseos amodo adhibendum indulsit, servatis decretis Sacræ Rituum Congregationis et nominatim declaratione diei 28 Aprilis 1914. Contrariis non obstantibus quibuscumque.

Die 21 Novembris 1931

L. S.

Sign. C. Card. Laurenti
S. R. C. Præfectus

A. Carinci S. R. C. Secretarius

APPROBATIO

Concordat cum originalibus.

Aquisgrani, die 22 Decembris 1931

L. S.

† Dr. Sträter, Vic. Gen.

IMPRIMATUR.

Ratisbonæ, die 15 Januarii 1932

Dr. Höcht

Vic. Gen.

MISSÆ PROPRIÆ DIOECESIS AQUISGRANENSIS

Die 12 Februarii
S. BENEDICTI ANIANENSIS
ABBATIS

Oratio

Deus, qui nos beāti Benedīcti Abbātis doctrina et exēplo erudīri voluīsti: concēde propītius; ut quod te donānte promīsimus, ejūdem patrocinio adimplēre valeāmus. Per Dōminum nostrum.

Secreta

Sacris altāribus, Dōmine, hōstias superpōsitas sanctus Benedīctus Abbas, quāsumus, in salutem nobis provenire depōscat. Per Dōminum nostrum.

Postcommunio

Prōtegat nos, Dōmine, cum tui perceptiōne sacramēti beātus Benedīctus Abbas, pro nobis intercedēdo: ut et conversatiōnis ejus experiāmur insīgnia, et intercessiōnis percipiāmus suffrāgia. Per Dōminum nostrum.

Die 15 Martii
S. CLEMENTIS MARLÆ HOF-
BAUER CONFESSORIS

Missa Justus ut palma, **de Comuni Conf. non Pont. 2 loco, præter Orationes sequentes:**

Oratio

Deus, qui beātum Clemētem Mariām miro fīdei rōbore et

invictæ constāntiæ virtūte decorāsti: ejus mēritis et exēplis fac nos, quāsumus, ita fortes in fide et caritāte fervētes; ut præmia consequāmur ætérna. Per Dōminum.

Et fit Commemoratio Feriæ.

Secreta

Ille nos, quāsumus, Dōmine, devotiōnis ignis accēdat; quo beātus Clemens Mariā, dum salutārem offerret hōstiam, jūgiter flagrāvit. Per Dōminum nostrum.

Et fit Commemoratio Feriæ.

Postcommunio

Cælēsti pane refēctis concēde nobis, omnipotens Deus: ut beāti Clemēntis exēplo, in fortitūdine cibi illius usque ad montem, qui Christus est, feliciter perveniāmus: Qui tecum vivit et regnat.

Et fit Commemoratio Feriæ ac legitur ejus Evangelium in fine.

Die 7 Aprilis
B. HERMANNI JOSEPHI
CONFESSORIS

Introitus Ps. 36, 30-31

OS justi meditābitur sapiēntiam, et lingua ejus loquetur judicium: lex Dei ejus in corde ipsius. (T. P. Allelūja, allelūja.) **Ps. ibid., 1** Noli æmulāri in malignāntibus: neque zelāveris faciētes iniquitatem. **V.** Glória Patri.

Oratio

Deus, qui beátum Hermánnum Joséphum Confessórem tuum in benedictiónibus dulcédinis a puerítia prævenísti: præsta, quæsumus; ut innocéntis et sanctæ vitæ ejus vestigiis insistentés, ad cælestem pátriam, in qua gloriósus exsúltat, securi perveniámus. Per Dóminum.

Et, in Quadragesima, fit Commemoratio Feriæ.

Lectio libri Sapiéntiæ

Eccli. 31, 8-11

Beátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória ætérna: qui pótuit tránsgridi, et non est transgréssus: fácere mala, et non fecit: ideo stabilíta sunt bona illius in Dómino, et eleemósynas illius enarrábit omnis ecclésia sanctórum.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiæ in domo ejus: et justítia ejus manet in sæculum sæculi.

Tempore autem Paschali omittitur Graduale, et ejus loco dicitur:

Allelúja, allelúja. **V. Jac. 1, 12** Beátus vir, qui suffert tentatióem: quóniam, cum probátus fúerit, accipiet coronam vitæ. Allelúja. **V. Eccli. 45, 9** Amávit eum Dóminus et ornávit eum: stolam glóriæ induit eum. Allelúja.

✠ Sequéntia sancti Evangélii secúndum Matthæum

Matth. 11, 25-30

In illo témpore: Respóndens Jesus, dixit: Confíteor tibi, Pater, Dómine cæli et terræ, quia abscondísti hæc a sapiéntibus et prudentibus, et revelásti ea párvulis. Ita, Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium nisi Pater: neque Patrem quis novit nisi Fílius, et cui volúerit Fílius reveláre. Veníte ad me, omnes, qui laborátis et oneráti estis, et ego reficiam vos. Tóllite jugum meum super vos, et discite a me, quia mitis sum et húmilis corde: et inveniétis réquiem animábus vestris. Jugum enim meum suáve est et onus meum leve.

Offertorium Ps. 88, 25 Véritas mea et misericórdia mea cum ipso: et in nómine meo exaltábitur cornu ejus. **(T. P. Allelúja.)**

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus et futúris. Per Dóminum.

Et, in Quadragesima, fit Commemoratio Feriæ.

Communio Matth. 24, 46-47 Beātus servus, quem, cum vénerit dóminus, invénerit vigilántem: amen, dico vobis, super ómnia bona sua constituet eum. (T. P. Allelúja.)

Postcommunio

Refécti cibo potúque cælésti, Deus noster, te súpplīces exorámus: ut, in cujus hęc commemoratióne percépimus, ejus muniámur et précibus. Per Dóminum.

Et, in Quadrag., fit Com. Feriæ ac legitur ejus Evangelium in fine.

Die 27 Aprilis
S. PETRI CANISII
CONFESSORIS ET ECCLESIAE
DOCTORIS

Missa ut in Missali hac die.

Die 13 Maji
S. SERVATII
EPISCOPI ET CONFESSORIS

Missa Sacerdótes tui, **de Communi Conf. Pont. 2 loco, præter Orationem sequentem:**

Oratio P

Deus, qui dedisti pópulo tuo sanctum Servátium prædicatórem: concéde, quæsumus; ut tanti Pontíficis intercessióne ab ómnibus ubique liberémur advérsis, et tranquillá prosperitaté in tua laude lætémur. Per Dóminum.

Secreta C

Sancti Servátii Confessoris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hęc piæ placatiónis officia, et illum beáta retribútió comitétur, et nobis grá-

tiæ tuæ dona concíliet. Per Dóminum nostrum.

Postcommunio C

Deus, fidélium remunerátor animárum: præsta; ut beáti Servátii Confessoris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum nostrum.

Die 5 Junii

S. BONIFATII EP. ET MART.

Missa ut in Missali hac die.

Die 12 Junii

S. LEONIS III PAPÆ, CONF.

Oratio

Deus, qui beátum Leónem Confessórem tuum atque Pontíficem virtúte constántiæ in exercéndo pastoráli múnere contra sæculi potestátes roborásti: tribue, quæsumus, nobis fámulis tuis; et ejus apud te intercessiónibus adjuvári et ab omni hóstium impugnatione deféndi. (Per Dóminum.)

Deinde fit Commemoratio Ss. Basilidis, Cyrini, Naboris et Nazarii Martyrum:

Oratio

Sanctorum Mártyrum tuorum Basilidis, Cyrini, Náboris atque Nazárii, quæsumus, Dómine, natalítia nobis votíva respléndeant: et, quod illis cóntulit excelléntia sempitérna, frúctibus nostræ devotiónis accréscaat. Per Dóminum nostrum.

Secreta

Sancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. (Per Dóminum nostrum.)

Pro Ss. Martyribus**Secreta**

Pro sanctórum tuórum Basílidis, Cyríni, Náboris atque Nazárii sángine venerádo, hóstias tibi, Dómine, solémniter immolámus, tua mirabilia pertractántes: per quem talis est perfécta victória. Per Dóminum nostrum.

Postcommunio

Præsta, quæsumus, omnipotens Deus: ut, de percéptis munéribus grátias exhibéntes, intercedén-te beáto Leóne Confessóre tuo at-que Pontífice, benefícia potióra sumámus. (Per Dóminum.)

Pro Ss. Martyribus**Postcommunio**

Semper, Dómine, sanctórum Mártyrum tuórum Basílidis, Cyríni, Náboris atque Nazárii solémnia celebrántes: præsta, quæsumus; ut eórum patrocínia júgiter sentiámus. Per Dóminum.

Die 15 Julii

S. HENRICI
IMPERATORIS, CONF.

Missa ut in Missali hac die.

Die 17 Julii

DEDICATIO ECCLESIAE
CATHEDRALIS

**Omnia ut in Missali in Communi
Dedicationis Ecclesiae.**

**Et, in Missis privatis tantum, fit
Commemoratio S. Alexii Conf., ut
in Missali hac die.**

Die 18 Julii

S. ARNOLDI CONFESSORIS

Oratio

Omnipotens sempitérne Deus, cujus desiderábilis aspéctus lætificat omnes Sanctos: concéde propítius; ut intercedén-te sancto Arnól-do Confessóre tuo sic per grá-tiam tuam reficiámur in via, quáte-nus aliquádo vultus tui claritáte læti perfruámur in cælis. (Per Dó-minum nostrum.)

**Deinde fit Commemoratio Ss.
Symphorosæ et septem Filiorum
ejus Mm.:**

Oratio

Deus, qui nos concédis sanctórum Mártyrum tuórum Sym-phorosæ et filiórum ejus natalítia cólere: da nobis in æténa beatitú-dine de eórum societáte gaudére. Per Dóminum nostrum.

Secreta

Præsta nobis, quæsumus, omni-potens Deus: ut nostræ humili-tátis oblátio et pro tuórum tibi gra-ta sit honóre Sanctórum, et nos cór-pore páriter et mente puríficet. (Per Dóminum nostrum.)

Pro Ss. Symphorosa et septem Filiis ejus Secreta

Múnera tibi, Dómine, nostræ devotiõnis offérimus: quæ et pro tuórum tibi grata sint honóre Justórum, et nobis salutária, te miseránte, reddántur. Per Dóminum.

Postcommunio

Quæsumus, omnipotens Deus: ut, qui cæléstia aliménta percépimus, intercedénte beáto Arnól-do Confessóre tuo, per hæc contra ómnia advérta muniámur. (Per Dóminum nostrum.)

Pro Ss. Symphorosa et septem Filiis ejus Postcommunio

Præsta nobis, quæsumus, Dómine: intercedéntibus sanctis Martýribus tuis Symphorósa et filiis ejus; ut, quod ore contingimus, pura mente capiámus. Per Dóminum nostrum.

Die 21 Julii

DE V DIE INFRA OCTAVAM
DEDICATIONIS ECCLESIAE
CATHEDRALIS

Missa ut in Festo.

Et fit Commemoratio S. Praxedis Virg., ut in Missali hac die. 3^a Oratio Concède.

Die 24 Julii

IN OCTAVA DEDICATIONIS
ECCLESIAE CATHEDRALIS

Missa ut in Festo.

Et fit Commemoratio Vigilæ S. Jacobi Ap. et S. Christinæ Virg. et Mart., ut in Missali hac die, ac legitur Evangelium Vigilæ in fine.

Die 15 Augusti

IN ASSUMPTIONE B. M. V.
PATRONÆ PRINCIPALIS
DIECESIS AQUISGRANEN.

Omnia ut in Missali.

Die 17 Septembris

S. LAMBERTI EP. ET MART.

Oratio

Infirmitátem nostram réspice, omnipotens Deus: et, quia pondus própriæ actiõnis gravat, beáti Lambéрти Mártyris tui atque Pontíficis intercésio gloriósa nos prótegat. Per Dóminum nostrum.

Secreta

Hóstias tibi, Dómine, beáti Lambéрти Mártyris tui atque Pontíficis dicátas méritis, benignus assúme: et ad perpétuum nobis tribue proveníre subsidium. Per Dóminum nostrum.

Postcommunio

Refécti participatióne múnere sacri, quæsumus, Dómine, Deus noster: ut, cujus exséquimur cultum, intercedénte beáto Lambéрто Mártyre tuo atque Pontífice, sentiámus efféctum. Per Dóminum.

Die 30 Septembris

S. LEOPARDI MARTYRIS

Oratio

Præsta, quæsumus, omnipotens Deus: ut, intercedénte beáto Leopádo Mártyre tuo, et a cunctis adversitátibus liberémur in córpo-re, et a pravis cogitatiõnibus munde-mur in mente. Per Dóminum.

Secreta

Accépta sit in conspéctu tuo, Dómine, nostra devótio: et ejus nobis fiat supplicatióne salutáris, pro cujus solemnitáte defértur. Per Dóminum nostrum.

Postcommunio

Refécti participatióne múnneris sacri, quæsumus, Dómine, Deus noster: ut, cujus exséquimur cultum, intercedénte beáto Leopádo Mártire tuo, sentiámus efféctum. Per Dóminum nostrum.

Die 23 Octobris

S. SEVERINI EP. ET CONF.

Missa Státuit, de Communi Conf. Pont. 1 loco, præter Orationes sequentes:

Oratio

P

Deus, qui venerándam hujus diéi solemnitátem in honóre sancti Severíni Confessóris tui atque Pontíficis consecrásti: adésto familiæ tuæ précibus, et dona; ut, cujus festa célebrat, méritis et auxílio sublevétur. Per Dóminum.

Secreta

P

Múnera, quæsumus, Dómine, tuæ majestáti propósita, beáti Severíni Confessóris tui atque Pontíficis intervéntu benignus assúme. Per Dóminum nostrum.

Postcommunio

P

Sumpta, Dómine, cæléstis reméddi sacraménta, ad perpétuam nobis proveníre grátiam beátus Severínus Conféssor tuus et Póntifex obtíneat. Per Dóminum.

Die 3 Novembris

S. HUBERTI EP. ET CONF.

Oratio

Deus, qui perénnem glóriam sancti Hubéрти Confessóris tui atque Pontíficis ánimæ contulísti: tríbe, quæsumus; ejus nos apud te ita patrocíniis adjuvári, ut cum eo vitam possideámus ætérnam. (Per Dóminum nostrum.)

Secreta

Hæc hóstia, quæsumus, Dómine, quam in sancti Hubéрти Confessóris tui atque Pontíficis solemnitáte tibi offérimus, ejus suffragántibus méritis, et víncula peccatórum nostrórum absólvat, et ætérnæ beatitúdinis partícipes effíciat. (Per Dóminum nostrum.)

Postcommunio

Beáti Confessóris tui atque Pontíficis Hubéрти interventióne suffúlti: súpplíces te, Dómine, deprecámur; ut quod ore contíngimus, pura mente capiámus. (Per Dóminum nostrum.)

Die 13 Novembris

In Ecclesiis consecratis, excepta Cathedrali:

DEDICATIO
PROPRIÆ ECCLESIAE

Omnia ut in Missali in Communi Dedicatiois Ecclesiæ.

Et, in Missis privatis tantum, fit Commemoratio S. Didaci Conf., ut in Missali hac die.

Die 16 Novembris

In Ecclesiis, ut supra:

DE IV DIE INFRA OCTAVAM
DEDICATIONIS
PROPRIÆ ECCLESIAEMissa ut in Festo. 2^a Oratio Con-
cède, 3^a contra persecutores Eccle-
siae vel pro Papa.

Die 20 Novembris

In Ecclesiis, ut supra:

IN OCTAVA DEDICATIONIS
PROPRIÆ ECCLESIAE

Missa ut in Festo.

Et fit Commemoratio S. Felicis
de Valois Confessoris, ut in Missali
hac die.

INDEX ALPHABETICUS

Arnoldi Confessoris. 18 Julii	pag. 6*	Henrici Imperatoris, Confessoris. 15 Julii	pag. 6*
Benedicti Anianensis Abbatis. 12 Februarii	3*	Hermannii Josephi Confessoris. 7 Aprilis	3*
Bonifatii Episcopi et Martyris. 5 Junii	5*	Huberti Ep. et Conf. 3 Novembris	8*
Clementis Mariæ Hofbauer Confessoris. 15 Martii	3*	Lamberti Ep. et Mart. 17 Sept.	7*
Dedicatio Ecclesiae Cathedralis. 17 Julii	6*	Leonis III Papæ et Confessoris. 12 Junii	5*
— — De V die infra Octavam. 21 Julii	7*	Leopardi Martyris. 30 Septembris	7*
— — Octava. 24 Julii	7*	Mariæ B. V. Assumptio. 15 Augusti	7*
Dedicatio propriæ Ecclesiae. 13 Novembris	8*	Petri Canisii Confessoris et Eccl. Doct. 27 Aprilis	5*
— — De IV die infra Octavam. 16 Novembris	9*	Servatii Ep. et Conf. 13 Maji	5*
— — Octava. 20 Novembris	9*	Severini Ep. et Conf. 23 Octobris	8*

SUPPLEMENTUM

In Civitate tantum Aquisgranensi:

Die 28 Januarii

*S. CAROLI MAGNI
IMPERATORIS ET CONF.
CIVITATIS AQUISGRANEN-
SIS PATRONI PRINCIPALIS

Introitus Ps. 36, 30-31

OS justi meditabitur sapien-
tiam, et lingua ejus loque-
tur iudicium: lex Dei ejus
in corde ipsius. Ps. *ibid.*, 1 Noli
æmulari in malignantibus: neque
zelaveris facientes iniquitatem.

℣. Glória Patri.

Oratio

Omnipotens et misericors Deus,
qui a glória tua nullam exclu-
dis condicionem, te suppliciter exo-
ramus, ut, sicut beato Carolo Con-
fessori tuo post terræni culmen cæ-
lestis regni solum contulisti: ita mé-
ritis ejus et precibus nobis quoque
famulis tuis, æternæ felicitatis præ-
mia largiaris. Per Dominum.

Lectio libri Sapiëntiæ

Sap. 10, 10-14

Justum deduxit Dominus per vias
rectas, et ostendit illi regnum
Dei, et dedit illi scientiam sancto-
rum: honestavit illum in laboribus,
et complavit labores illius. In frau-
de circumventium illum affuit il-
li, et honestum fecit illum. Custodi-

vit illum ab inimicis, et a seductori-
bus tutavit illum, et certamen forte
dedit illi, ut vinceret et sciret, quon-
iam omnium potentior est sapien-
tia. Hæc venditum justum non de-
reliquit, sed a peccatoribus libera-
vit eum: descenditque cum illo in fo-
veam, et in vinculis non dereliquit
illum, donec afferret illi sceptrum
regni, et potentiam adversus eos,
qui eum deprimebant: et mendaces
ostendit, qui maculaverunt illum,
et dedit illi claritatem æternam, Do-
minus, Deus noster.

Graduale Ps. 91, 13 et 14 Justus
ut palma florébit: sicut cedrus Liba-
ni multiplicabitur in domo Domini.
℣. *Ibid.*, 3 Ad annuntiandum ma-
ne misericordiam tuam, et veritatem
tuam per noctem.

Allelúja, allelúja. ℣. Jac. 1, 12
Beatus vir, qui suffert tentationem:
quoniam, cum probatus fuerit, acci-
piet coronam vitæ. Allelúja.

Post Septuagesimam, omissis Al-
lelúja et Versu sequenti, dicitur

Tractus Ps. 111, 1-3 Beatus vir,
qui timet Dominum: in mandatis
ejus cupit nimis. ℣. Potens in terra
erit semen ejus: generatio rectorum
benedicetur. ℣. Glória et divitiæ in
domo ejus: et justitia ejus manet in
sæculum sæculi.

* Celebratur ex antiquissimo Civitatis usu.

Sequentia

Urbs Aquénsis, urbs regális,
Regni sedes principális,
Prima regum cúria.
Regi Regum pange laudes,
Quæ de magni regis gaudes
Cárolí præsentia.

Iste cœtus psallat lætus,
Psallat chorus hic sonórus
Vocáli concórdia;
At dum manus operátur
Bonum, quod cor meditátur
Dulcis est psalmódia.

Hic est magnus imperátor
Boni fructus bonus sator
Et prudens agricola;
Infidéles hic convértit,
Fana, deos hic evértit
Et confríngit idóla.

Hic supérbos domat reges,
Hic domáre sacras leges
Facit cum justítia,
Quam tuétur eo fine,
Ut et justus sed nec sine
Sit misericórdia.

Stella maris, o María,
Mundi salus, vitæ via,
Vacillántum rege gressus
Et ad regem des accéssus
In perénni glória.

Christe, splendor Dei Patris,
Incorrúptæ fili Matris,
Per hunc sanctum, cujus festa
Celebrámus, nobis præsta
Sempitérna gáudia. Amen.

¶ **Et dicitur hac in die et in die Octava; infra Octavam tamen ad libitum Celebrantis.**

✠ Sequentia sancti Evangélii secúndum Lucam

Luc. 19, 12-26

In illo témpore: Dixit Jesus discipulis suis parábolam hanc: Homo quidam nóbilis ábiit in regiónem longínquam accípere sibi regnum, et revérsti. Vocátis autem decem servis suis, dedit eis decem mnas, et ait ad illos: **N**egotiámini, dum vénio. Cives autem ejus óderant eum: et misérunt legatiónem post illum, dicéntes: **N**ólumus hunc regnáre super nos. Et factum est, ut redíret accépto regno: et jussit vocári servos, quibus dedit pecúniam, ut sciret, quantum quisque negotiátus esset. Venit autem primus, dicens: **D**ómine, mna tua decem mnas acquisívit. Et ait illi: **E**uge, bone serve, quia in módico fuísti fidélis, eris potestátem habens super decem civitátes. Et alter venit, dicens: **D**ómine, mna tua fecit quinque mnas. Et huic ait: **E**t tu esto super quinque civitátes. Et alter venit, dicens: **D**ómine, ecce mna tua, quam hábui repósitam in sudário: tímui enim te, quia homo austérus es: tollis, quod non posuísti, et metis, quod non seminásti. Dicit ei: **D**e ore tuo te júdico, serve nequam. Sciébas, quod ego homo austérus sum, tollens, quod non pósui, et metens, quod non seminávi: et quare non dedísti pecúniam meam ad mensam, ut ego véniens cum usúris útique exegíssem illam? Et astántibus dixit: **A**uférte ab illo mnam et date illi, qui decem mnas habet. Et dixérunt ei: **D**ómine, habet decem mnas. Dico autem vobis:

Quia omni habenti dabitur, et abundabit: ab eo autem, qui non habet, et, quod habet, auferetur ab eo.

Credo, per totam Octavam.

Offertorium Ps. 88, 25 Veritas mea et misericordia mea cum ipso: et in nomine meo exaltabitur cornu ejus.

Secreta

Præsta, quæsumus, omnipotens Deus: ut, sicut beatus Carolus Confessor tuus Regi Christo placere studeat; ita ejus oratio nos tibi reddat acceptos. Per eundem Dominum nostrum.

Communio Matth. 24, 46-47 Beatus servus, quem, cum venerit dominus, invenerit vigilantem: amen, dico vobis, super omnia bona sua constituet eum.

Postcommunio

Deus, qui beatum Confessorem tuum Carolum mirificasti in

terris, et gloriosum in cælis fecisti: eundem Ecclesiæ tuæ constitue defensorem. Per Dominum nostrum Jesum Christum, Filium tuum: Qui tecum vivit et regnat.

Die 3 Februarii

DE VII DIE INFRA OCTAVAM
S. CAROLI MAGNI
IMPERATORIS ET CONF.

Missa ut in Festo.

Et fit Commemoratio S. Blasii Ep. et Mart., ut in Missali hac die. 3^a Oratio Concède.

Die 4 Februarii

IN OCTAVA
S. CAROLI MAGNI
IMPERATORIS ET CONF.

Missa ut in Festo.

Et fit Com. S. Andreae Corsini Ep. et Conf., ut in Missali hac die.

INDEX SUPPLEMENTI

	pag.
Caroli Magni Imp. et Conf., Civitatis Aquisgranensis Patroni principalis. 28 Januarii	10*
— — De VII die infra Octavam. 3 Februarii	12*
— — Octava. 4 Februarii	12*